

**ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՈՐՈՇՈՒՄ թիվ 419337/06**

ՎԱՐՉԱԿԱՆ ԻՐԱՎԱԽԱՒՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա. Մնացականյանս, ուսումնասիրելով 19.06.2020 թվականի թիվ 74419 վարչական իրավախախտման վերաբերյալ արձանագրությունը, քննելով թիվ 74419 վարույթը և կից նյութերը,

ՊԱՐԶԵՑԻ

Ինքնուրույն հարկ վճարող Լուսինե Արթուրի Սմբատյանը /ՀՎՀՀ 35197343, հասցե՝ ք. Երևան, Մանանդյան 25/9, անձն. տվյալներ՝ AT0416013, ՀԾՀ՝ 6701890342/ ՀՀ հարկային օրենսգրքի 156-րդ հոդվածի 4-րդ մասի 2-րդ կետով սահմանված ժամկետում հարկային մարմին չի ներկայացրել 2019 թվականի եկամտային հարկի և սոցիալական վճարի տարեկան հաշվարկը, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 169՝ հոդվածի 2-րդ մասով:

Պատշաճ ծանուցված լինելով արձանագրության կազմման, գործի քննության վայրի և ժամանակի մասին, կողմը չի ներկայացրել վարչական վարույթին, սակայն հայտնել է, որ 2019 թվականի եկամտային հարկի և սոցիալական վճարի տարեկան հաշվարկը լրացվել է 15.04.2020 թվականին, սակայն ծրագրի խափանման պատճառով հարկային մարմին է ուղարկվել 23.04.2020 թվականին:

Վարույթի շրջանակներում կատարված ուսումնասիրությամբ հաստատվել են կողմի մատնանշած հանգամանքները, մասնավորապես համաձայն հարկային մարմնի տեղեկատվական բազայի տվյալների՝ 2019 թվականի եկամտային հարկի և սոցիալական վճարի տարեկան հաշվարկը ստորագրվել է 15.04.2020 թվականին, սակայն հարկային մարմին է ներկայացվել է 23.04.2020 թվականին, հաշվարկից առաջացել է 45.000 ՀՀ դրամ հարկային պարտավորություն, որը հարկ վճարողի կողմից վճարվել էր 20.04.2020 թվականին, ուստի իրավախախտումն ունի նվազ նշանակություն:

Նկարագրված արարքի համար նախատեսված է պատասխանատվություն Վարչական իրավախախտումների վերաբերյալ ՀՀ օրենսգրքի 169՝ հոդվածի 2-րդ մասով, սակայն հաշվի առնելով իրավախախտման նվազ նշանակություն ունենալու հանգամանքը, ղեկավարվելով «Վարչարարության հիմունքների և վարչական վարույթի մասին» ՀՀ օրենքի 8-րդ հոդվածով, Վարչական իրավախախտումների վերաբերյալ ՀՀ օրենսգրքի 21-րդ, 32-րդ հոդվածի 2-րդ մասով, 282, 244² հոդվածներով՝

ՈՐՈՇԵՑԻ

1. Համաձայն Վարչական իրավախախտումների վերաբերյալ ՀՀ օրենսգրքի 21-րդ հոդվածի 1-ին մասի՝ Լուսինե Արթուրի Սմբատյանին ազատել վարչական պատասխանատվությունից և հայտարարել բանավոր դիտողություն:

2. Լուսինե Արթուրի Սմբատյանի նկատմամբ հարուցված թիվ 74419 վարչական իրավախախտման գործի վարույթը կարճել:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

Ա. ՄՆԱՑԱԿԱՆՅԱՆ

Վարչական իրավախախտման վերաբերյալ գործի որոշման դեմ գանգատ կարող է տրվել որոշումն ընդունելու օրվանից հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար իրավագործ մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում: Մասնակցեցի գործի քննությանը, որոշման վերաբերյալ առարկություններ չունեմ

(ստորագրություն)

Ստացա որոշման պատճենը _____